



DOM ZDRAVLJA ČELIĆ

Ul. Šadić Zlatana Zlaje br. 41, 75246 Čelić, Bosna i Hercegovina
Tel. +387 35 366 300, Fax +387 35 366 301
E-mail: domzdravljacelic@bih.net.ba Web: www.dzcelic.com

Broj: 01 - 2823-12 /19
Čelić, 13.12.2019. godine

Na osnovu člana 70. st. (1), (4) i (6) Zakona o javnim nabavkama ("Službeni glasnik BiH" br. 39/14) i člana 48. Statuta Javne zdravstvene ustanove Dom zdravlja Čelić, direktor Doma zdravlja Čelić donosi

ODLUKU

o poništenju postupka javne nabavke roba putem konkurentskog zahtjeva sa namjerom provođenja e-aukcije za lotove 1, 10 i 11

I.

Prihvata se preporuka Komisije za javne nabavke Doma zdravlja Čelić broj: 04/1-2814-12/19 od 12.12.2019. godine, da se postupak javne nabavke: Nabavka i isporuka lijekova za potrebe JZU Dom zdravlja Čelić poništi:

- za lotove 10 i 11, iz razloga što za navedene lotove nije dostavljena nijedna ponuda u određenom krajnjem roku,
- za lot 1, iz razloga što nijedna od primljenih ponuda nije prihvatljiva.

II.

Ova Odluka će se uputiti svim ponuđačima koji su učestvovali u postupku javne nabavke i istovremeno će biti objavljena na internetskoj stranici Doma zdravlja Čelić, u skladu sa članom 70. stav (6) Zakona o javnim nabavkama.

III.

Odluka stupa na snagu danom donošenja.

Obrazloženje

Postupak javne nabavke roba pokrenut je u skladu sa Izmijenjenim i dopunjenim Planom nabavki za 2019. godinu, referentni broj 8. i na osnovu Odluke o pokretanju postupka javne nabavke broj: 01-1474-07/19 od 16.07.2019. godine.

Javna nabavka provedena je putem konkurentskog zahtjeva za dostavu ponuda uz provođenje e-aukcije. Ukupna procijenjena vrijednost nabavke iznosila je 4.194,00 KM bez PDV, po lotovima kako slijedi:

RB	Opis lotova	Procijenjena vrijednost u KM bez PDV
1.	Lot 1 Adrenalin (Epinefrin) 1 mg/ml	200,00
2.	Lot 2 Etamsilat 250 mg/2 ml	32,00
3.	Lot 3 Flufenazin-dekanoat 25 mg/ml	295,00
4.	Lot 4 Haloperidol depo 50 mg/ml	905,00
5.	Lot 5 Tramadolklorid 50 mg/ml	330,00
6.	Lot 6 Tramadolklorid 100 mg/ml	390,00
7.	Lot 7 Tietilperazin 6,5 mg/ml	350,00
8.	Lot 8 Trospij-klorid 0,2 mg/5 ml	240,00
9.	Lot 9 Imunoserum protiv ujeda zmija 100 mg/ml	100,00
10.	Lot 10 Imunoglobulin, antitetanus serum 250 i.j.	850,00
11.	Lot 11 Glukagon 1 mg/ml	80,00

12.	Lot 12 Kalcium glukonat 10%/10 ml	25,00
13.	Lot 13 Gliceril-trinitrat, 12,2 ml sprej	88,00
14.	Lot 14 Salbutamol 5 mg/ml, 20 ml	27,00
15.	Lot 15 Ipratropium bromide 0,25 mg/ml, 20 ml	21,00
16.	Lot 16 Diazepam 5 mg/2,5 ml	80,00
17.	Lot 17 Diklofenak 12,5 mg, čepići	123,005
18.	Lot 18 Paracetamol 120 mg, čepići	58,00

U skladu sa članom 35. stav (1) i 36. stav (1) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), Ugovorni organ je na portalu javnih nabavki objavio obavještenje o pokretanju konkurentskog zahtjeva sa namjerom provođenja e-aukcije broj: 644-7-1-188-3-9/19, objavljeno dana: 28.10.2019. godine.

Do krajnjeg roka za dostavu ponuda, na Protokol Doma zdravlja Čelić blagovremeno su zaprimljene ukupno tri ponude zatvorene u koverti, uredno zapečaćene i neotvorene od sljedećih ponuđača:

RB	Broj protokola	Naziv i sjedište ponuđača	Datum i vrijeme prijema
1.	04/1-2501-11/19	Phoenix Pharma d.o.o. Bijeljina	08.11.2019. u 08:15
2.	04/1-2504-11/19	Pharma Maac d.o.o. Sarajevo	08.11.2019. u 14:45
3.	04/1-2515-11/19	Hercegovinalijek d.o.o. Mostar	11.11.2019. u 09:50

Neblagovremenih ponuda nije bilo.

U skladu sa članom 65. Zakona Komisija za javne nabavke Doma zdravlja Čelić (u daljem tekstu: Komisija) je izvršila pregled i ocjenu ponuda na osnovu kojih je izvršen odabir najpovoljnije ponude po lotovima i data preporuka za poništenje postupka javne nabavke za lotove 10 i 11, iz razloga što za navedene lotove nije dostavljena nijedna ponuda u određenom krajnjem roku, te za lot 1, iz razloga što nijedna od primljenih ponuda nije prihvatljiva.

Detaljnim pregledom i analizom dostavljenih ponuda, Komisija je utvrdila da za lotove 10 i 11 u određenom krajnjem roku za dostavljanje ponuda nije dostavljena nijedna ponuda.

Komisija je također utvrdila da je za lot 1 dostavljena samo jedna ponuda od ponuđača Hercegovinalijek d.o.o. Mostar. Detaljnom analizom komisija je utvrdila da ponuđač Hercegovinalijek d.o.o. Mostar koji je dostavio ponudu za lot 1, nije imao odgovarajuću dokumentaciju iz tačke 3.4. Tehnička i profesionalna sposobnost, kojom je definisano da ponuđena roba mora biti upisana u Registar lijekova Agencije za lijekove i medicinska sredstva (u daljem tekstu: Agencija) ili da se vrši interventni uvoz i kontrola kvaliteta za ponuđene lijekove koji nisu registrirani u Registru lijekova Agencije, te su ponuđači bili dužni dostaviti kopiju dokaza o upisu lijeka u Registar lijekova Agencije ili ovjerenu izjavu o interventnom uvozu i kontroli kvaliteta.

Ponuđači su u Obrascu za cijenu ponude u koloni 6. bili dužni navesti da li imaju odobrenje o upisu lijekova u Registar lijekova Agencije, a u napomeni obrasca je navedeno da su ponuđači u koloni 7. bili dužni upisati broj potvrde/rješenja o upisu u registar lijekova, obzirom da je navedeno da ponuđeni lijekovi moraju biti registrovani kod Agencije za lijekove i medicinska sredstva BiH (ALMBIH). U napomeni je navedeno da ponuđeni lijekovi za koje se ne navede odobrenje ALMBIH, smatrat će se da nisu registrovani i da nemaju odgovarajuću potvrdu/rješenje i uzet će se u razmatranje samo ukoliko ne bude ponuda u kojima su ponuđeni lijekovi upisani u spisak lijekova ALMBIH, te ukoliko se navedeni lijekovi uvoze putem interventnog uvoz, ponuđači su bili dužni priložiti pismenu izjavu u skladu sa uslovima iz tačke 3.4. tenderske dokumentacije.

Obzirom da su u skladu sa uslovima iz tačke 3.4. Tehnička i profesionalna sposobnost potvrda Agencije za lijekove i medicinska sredstva, odnosno pismena izjava da se vrši interventni uvoz

i kontrola kvaliteta bili kvalifikacioni dokumenti, a da ponuđač Hercegovinalijek d.o.o. Mostar nije u ponudi dostavio potvrdu Agencije za lijekove i medicinska sredstva ili pismenu izjavu da se vrši interventni uvoz i kontrola kvaliteta, navedeni ponuđač je za lot 1 ocijenjen kao nekvalifikovani u skladu s uslovima iz tenderske dokumentacije, te je ponuda za navedeni lot odbačena.

Nakon završenog pregleda i ocjene ponuda, Komisija je dostavila direktoru Zapisnik o pregledu i ocjeni ponuda broj: 04/1-2816-12/19 i Preporuku za poništenje postupka javne nabavke roba – Nabavka i isporuka lijekova za potrebe JZU Dom zdravlja Čelić za lot 1, 10 i 11, koji je proveden putem konkurentskog zahtjeva za dostavu ponuda s namjerom provođenja e-aukcije broj: 04/1-2814-12/19 od 12.12.2019. godine.

Kako se u skladu sa članom 69. stav (1) Zakona o javnim nabavkama postupak javne nabavke može okončati a) zaključenjem ugovora o javnoj nabavci ili okvirnog sporazuma ili b) poništenjem postupka javne nabavke, te je u skladu sa stavom (2) tačka a) i d) istog člana, ugovorni organ dužan poništiti postupak u slučaju da nije dostavljena nijedna prihvatljiva ponuda u određenom krajnjem roku, odnosno nijedna od primljenih ponuda nije prihvatljiva, postupak javne nabavke predmetne robe iz člana I. ove Odluke za lotove 1, 10 i 11 se poništava.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, odlučeno je kao u dispozitivu ove odluke.

Pouka o pravnom lijeku: Protiv ove odluke ponuđači koji su učestvovali u postupku javne nabavke mogu izjaviti žalbu Uredu za žalbe putem ugovornog organa, najkasnije u roku od deset dana od dana prijema ove odluke.

Dostavljeno:

1. Phoenix Pharma d.o.o. Bijeljina
2. Pharma Maac d.o.o. Sarajevo
3. Hercegovinalijek d.o.o. Mostar
4. U spis predmetne nabavke
5. a/a



Direktor

Dr Zekerija Avdić, spec. internih bolesti